

Ministro Dr. Richard Visser ta retira despues di completa su termino



ORANJESTAD (AAN) Ayera atardi Ministro di Salubridad Publico y deporte a informa comunidad di Aruba den un conferencia di prensa na Linear Park y para dilanti e Bus di Salud cu e ta renuncia na final di periodo di gobernacion. Den su propio palabranan el a expresa entre otro, "Awe tardi mi ta desea di participa na e comunidad di Aruba cu mi a tuma e decision di no participa na e proximo eleccion y mas bien completa mi termino como Ministro di Salubridad y Deporte na momento cu e Gobierno actual su periodo termina.

Pa mi tabata un honor y un oportunidad grato di por a sirbi comunidad di Aruba durante e periodo di gobernacion aki cu ta conclui, 2009 – 2013. Mi ta sinti cu e vision cu mi a presenta a ser realisa y cu salubridad di nos pais awor ta riba hopi bon caminda. Pesey cu tur tranquilidad den mi curason mi por tuma e decision aki awe. Durante e ultimo 4 añanan mi a dedica hopi energia pa introduci un vision y direccion nobo y alaves trece bek estabilidad den salubridad publico.

Pa loke ta e construccion di nos tan spera Hospital nobo, mi ta lagando tur cos cla pa e hoyo di proyecto aki por cuminsa. Pa loke ta e cuido tur plan ta cla pa Dr. Horacio Oduber Hospital ser transforma den un instituto di salud cu cuido di calidad y estudio scientifico. Drumi den camber di 6 persona ta bay pasa pa historia.

Privacidad y calidad ta sigura den e plannan nobo ya aproba. E cambio cu lo bin lo ta historico pa nos tur. Awor ta cuestion di ehecuacion di e proyecto balioso aki pa nos pueblo.

Mi ta sinti tambe cu e

mensahe di: "greater wellbeing" a yega na tur hende den nos comunidad. E conscientizacion pa cuida nos salud, pa move mas mi ta wak e tur dia aki den Linear Park y rond Aruba. Cu e Bus di Salud mi a logra cumpli cu e vision di trece cuido mas serca di bo, pa grandi y chikito.

Awe IBISA ta funcionando cu gran exito, yudando nos comunidad pa desaroya un estilo di bida nobo, mas consciente, activo y contento. Cu e realisacion di IBISA nos comunidad awor ta garantiza, cu prevencion y promocion di salud lo ta un prioridad pa tur gobierno den futuro, locual no tabata antes.

Hopi trabao y esfuerso tambe a bay den reorganisa AZV pa e por ta un organisacion agil cu vision y direccion profesional. AZV pa prome biaha den historia a logra keda den un GDP di 9% y un crecencia controla den e tres añanan di un 3% cu tranquilidad den e sector, trahando hunto na mehora e calidad di cuido IMSAN lo ta e instancia cu lo trece mas hopi alivio pa nos famianan y sernan keri. E Plan pa un centro di Oncologia ta cla. Ya e business Plan a wordo entrega pa asina e financiamiento por keda completa y despues ehecuacion di e hoyo di proyecto aki pa San Nicolas bira un realidad. E proyecto aki lo ser realisa den un partnership strategico entre IMSAN y BAPTIST y lo encera un "Urgent Care", un centro completo pa Diabeticonan, di nutrition pa dialysis - un centro di Oncologia cu Radioterapia y Quimioterapia. Tambe lo tin facilidadnan pa medical Tourism un fuente nobo di entrada pa AZV - E plan aki lo trece cu ne cu nos pashentnan no tin mester di biaha mas pa

exterior pa tratamento contra cancer. E patient lo ricibi e tratamento na Aruba y por bay cas recupera. E lo ta den su ambiente familiar cu sosten di famia. Pues e lo percursa pa un recuperacion mas rapido y cu menos stress.

Nos adictonan y nan ser nan keri a haya un man, cu staff profesionaliza expertonan local y internacional a reorganizacion e cadena di cuido, 24 ora acceso na helpline a pone prevencion den tur scol y reintegracion social conhunto cu Tur nos partnernan local y den exterior, nos a cuminsa RIBA e Caminda largo di enfrenta y trata nos hendenan cu tin y cu a cay den e malesa aki

Den deporte tin vision, apoyo y entusiasmo atrobe cu tur nos partnernan manera COA, ASU y otronan pa asina nos atletanan por desaroya y sobresali den exterior. Durante mi cuater añanan mi a mira asina hopi logronan di medaya di nos atletanan cu ta haci mi masha orguyoso. Nos atletanan a logra di pone number di Aruba resona cu titulonnan di Champion Mundial.

Pa nos por sigui logra mi plan cu ya ta wordo ehecuta ta sigura cu nos ta bay tin mas trainers pa asisti nos atletanan y pa mas hende practica deporte. Nos federacionnan ta mas structura y organiza cu nunca, record di mas di 5 mill cu ta bai pa deporte cu un technical comitee, un subsidie commissie y awo maneho di facilidad organiza - un Centro Di medicina deportivo pa Top Sport CEMEDAR ta corona nos esfuersonan

Nos comunidad a cuminsa move masalmente y mi ta mira esey tur dia dilanti mi cas ora mi wak hende, cana, jog of core baiskel. Ciclovía tabata e comienso y awo ta e comunidad mes ta tuma esaki over y ta move tur caminda. Nos sector priva a join nos cu e vision aki y hunto nos a cambia e bista pa semper - Aruba ta move!

E proyecto di DVG y partnernan "Health Monitor" awor tambe a keda cla ya keda publica, su meta ta pa publica datonan y trends importante di diferente aspecto di nos salubridad fisico, mental, y social nos calidad di bida, pa yuda mehora maneho, formula maneho y tuma decision", el a bisa entre otro